

# 順德藝文集

黃維瑀署



順德執文集

陳荆鴻題



陳荆鴻 甲子

伍官孫 七

梁簡能 九

梁承熙 四

梁金池 五

潘小磐 六

馮景仙 九

鄭翰鈞 一八六

目錄

封面題端 容竒黃維瑁

封面題畫 大良龍展雲

扉頁題端 龍山陳荆鴻

引言 桂洲何竹平

題跋 水藤何叔惠

作者頁次 以年齒增替屬為序

胡景石 十二 潘學增 十五 黎心齋 十八

黃維瑁 二九 岑滌羣 三五 陳荆鴻 四二

周益伯 五八 何式南 六三 伍宜孫 七四

歐陽澄 八二 陳泰階 八七 梁簡能 九八

張 丹 一零五 楊柳 一一四 賴定中 一二一

陳天如 一三零 梁耀明 一三四 梁永熙 一四六

劉潔玲 一五四 梁起鵬 一五六 梁金池 一五八

湯國華 一六零 麥 淇 一六四 潘小磐 一六六

羅文顯 一七五 鄧瀚鈞 一八六 馮景仙 一九七

温中行一九九

潘鎬澄二零二

何叔惠二一二

梁絜貞二二四

李捐盒二二六

劉少蓀二三七

何迪幹二四零

梁粲纓二四三

陳秉昌二四五

陳正誠二五五

蘇文擢二五七

冼燮培二六六

梁中力二七五

李根成二七七

羅妙馨二八一

胡慕平二九二

劉春草二九五

歐鞏華三零零

何幼惠三零七

關應良三一四

梁靜妹三一七

何麗生三二二

梁姤三二六

羅藹蘭三二九

何鳳蓮三三一 龍展雲三三六 嚴媽紅三三九

馬潤憲三四二 馮建雄三四四 周宗漢三四七

何偉祥三五零 何竹平三五四



同... 厄... 之... 流... 在... 之... 守... 之... 有... 亦... 由... 來... 久... 矣

順直觀  
文雀籠木

温中行一九九  
梁二二四  
何二四五  
陳二六六  
梁二七七  
梁二八八  
梁二九九  
梁三〇〇  
梁三一〇  
梁三二〇  
梁三三〇  
梁三四〇  
梁三五〇  
梁三六〇  
梁三七〇  
梁三八〇  
梁三九〇  
梁四〇〇

引言

迹尋荒殿宋臺秋唱於前韻步蘭亭錦山春禊於後  
厄鯁夷而碩果作睦坊鄰而文協開歷理亂憂樂不  
同之時處中西文化交融之地而我邑僑士挹鯉門  
之晚興接鳳嶺之清暉送燕迎鴻效鄉人以飲酒臨  
流拜石會勝日以題襟至若縣志續修先賢之不遺  
在遠僑聲刊布羈旅之守望彌親者蓋亦由來久矣





尚矣比年僕以服賈之餘亦平生所願春秋佳日恒  
叨陪於觥籌茗盃之間時藉維桑之敬緣沐長者之  
風振采揚華多執壇之學士譚玄說故皆臣里之儒  
林雖譎劣之多慚亦薰陶之不少也邇者復有與鄉  
鄙多士為各出近作切磋推敲會於坊厨之雅茶癖  
香浮宛滴茗溪之玉路鄉音語契欲借彭澤之尊羹泛  
烏哺之私鼎問鱸膾之美惟土物愛弗忘寒具於冬  
朝是故鄉明忽幻錦巖嚴於秋夜西風入座鄉思滿懷

爰有廣集邑僑時彥之詩詞書畫金石佳作都為順  
德藝文集乙卷用原迹付諸剞劂以傳世行遠之議  
若使聲氣無失鱗爪能存其亦足為百年後之鄉邦  
文獻歟則區區之心有待於我海隅觴咏有自之鄉  
鄙耆宿俊彥閨秀而玉成之如嚶鳴之可求吾道不  
孤是猶北田五子之音可以重聯叔世二樵三絕之  
妙有足暉映前賢矣

壬戌中秋節前夕邑耆末何竹平於九龍山居



作者小傳

胡景石世居桂洲外村一八九九年生於原籍祖居廣東公立法政專門學校畢業為粵東法律界前輩退休後徜徉於鏡湖香海之間矍鑠瀟灑若地上仙

壬戌仲秋追隨者港順德聯誼總會屬校同人敬祝孔聖誕辰  
大哉孔夫子嶽降尼山中生而具聖德進而求大同多能由天縱  
事理無不通任魯大司寇為政秉公忠列國尋周遊道大世難容  
棲遑席不煖拯溺志尤洪嘆鳳因德哀傷麟知道窮杏壇爰設教  
弟子三千從誨人恆不倦至道傳中庸剛詩定禮樂萬世歌豐功  
二千五百年德溥洵泐泐仲秋逢聖誕港島沐休風晚霞何絢爛  
燈色如瞳矐濟濟一堂衆鞠躬行禮隆

胡景石恭賦



胡景石畫與書法



松竹留因夏溪山  
 去為秋久廣白雪  
 詠更度采菱謳  
 玉鮐堆紫團金橘  
 滿洲水宮無限景  
 載謝公遊

米襄陽蒼溪詩

胡景石  
 時年  
 八十四

作者小傳

潘學增桂洲裏村人一八九九年生於原籍畢業於香港聖保羅書院及廣東高等師範學校曾任澳門知用中學校長順德師範學校校長及多間學府教席桃李滿南天為碩果社健社春秋詩社披荆文會乙卯詞社鴻社菲律濱寰球詞苑等社員著有順德文學史樂觀室存稿浮生回味錄樂觀室詩鐘樂觀室駢文集樂觀室詩詞集

沁園春

(乙卯歲首試筆)

潘學增

裘葛頻更。日月如梭。又過一年。念徒增馬齒。  
難為雞口。無裨後輩。有愧先賢。張翰思鱸。曹  
交食粟。老大張蒼空健全。從來是。總咿唔典  
籍。薄視金錢。

今天筆下寫箋。竟寫出胸

中情萬千。奈賦非赤壁。詞輸白石。甘居王後。豈  
敢盧前。養晦韜光。戴仁抱義。貧賤驕人憂可  
捐。吾何羨。有羣稱足穀翁。號多田。

一翦梅

潘學增

百歲光陰蝶夢悠。似寄蜉蝣。似狎沙鷗。山明水秀儘遨遊。  
逸以無求。樂以忘憂。身去堪憐第二流。王粲依劉。庾  
信依周。任人呼馬復呼牛。想比枚鄒。或比邢收。



作者小傳

黎心齋字廷康世多稱心翁昌教人嶽降於一九零  
一季家學淵源先德澤闡公為吾邑法律界前輩及  
詩人有拙存堂詩二卷傳世心翁承先啟後畢業於  
廣東公立法政專門學校及國立中山大學前身之  
廣東省立法政科大學執業律師曾以廉明見稱晚年  
徜徉於鏡湖香海之間不問世事以詩詞書畫自娛  
尤擅草書著有心齋詩詞二卷行世

觀區季謀作炭山歌

作於癸巳（一九五二）

黎心齋

老泉昔曾蓄木山宛陵為賦詩清妍東坡繼作五峯詠於中欲求二頃

田季子刻炭貌蒼巘別出心手生雲煙日日縱意事丘壑模山範水工

雕鐫堆胸磊砢自嶮崿縮為徑尺投客前是時大地陰且黑想見寇皴

曾相煎焦原豈有不灰木劫火之餘成苟全稜稜鱗面骨瘦出槎枒風

範元貞堅君乃濡筆染時世

炭山閣  
有設色

更以沃壤培山川長林不待十年

植曠莽孕綠山娟娟眼前萬象生意勃木仆或許終天年

東坡木山詩  
木生不願回

萬牛願終天  
年仆沙洲

坐客不覺神志越槐下蟻馱游新阡穿林度嶺頗有路去

人益遠地益偏引眸咫尺勢萬里欲策疲蹇窮群巔偶逢破崖露枯澗  
試爲斟酌懸流泉頗思渾沌相遇時日鑿一竅僅後先把握太初形之  
始笑與造化相周旋嗟我於世似窮鳥何處可容棲一椽平生况乃醉

泉石淺嘗其麴先陶然微聞夜半有人負山走

炭山有被竈去

不識夸娥二子

肯爲愚公遷微塵世界千復千共工觸破媧皇填壺中豈遂無九華仇  
池穴亦小有天作如是觀便如是何必褰裳濡足遠訪三山仙人生事  
事總在幻黠哉季子遊戲中有玄中玄且爲季子戲作炭山篇

癸巳六月十六夕置酒松山觀月蝕同印雪春霆仲鳴季謀萬里

亮孫竹坪諸人天文學家謂蝕時三小時半為百年僅見 心齋

佯狂幾輩驚山鬼 犯夜干霄共此奇 月魄乍虧弦上下 天心何晦德支

離侵尋夢魘餘蟾 蛻破碎風光落酒卮 摩眼冰輪無恙在 沾沾回影挾

雲馳

為關萬里題鏡湖全景長卷

丁酉（一九五六）

黎心齋

九洲猶有滯風帆 廿載羈懷儼可攀 西望夕陽東望月

澳門西望洋南寧

秋水北彎山

由彎北山地名

倚闌未覺蒹葭遠

蒹葭樓澳門居雜詩有

擲筆宜呼

墨井還

吳歷居澳甚久

忽睹故人詩力健

謂馮印雲區李謀 清聲長繫畫圖間

桐心竹詩并序

黎心齋

二十二

澳門孔教中學校苑植梧桐修竹桐老已空其心竹則乘虛貫桐  
心而出相得並茂寓君子投契之象嘗記家二樵先生有桐心竹  
詩一時唱和甚盛不期百餘年間又逢斯異而二君子都孕育於  
聖門中尤覺雨化及微因效為桐心竹詩以記造物之巧合云耳  
草木猶霑聖教深竹桐相契腹推心要聞人籟親哀玉那遣孤懷欲化  
琴并命股肱忘族類辭根蓬梗笑商參眼前不世乾嘉異何事承平未  
可尋

心齋詩餘

高陽臺

秋响和季子北角癸卯（一九六三）

北角眠高、南溟夢闊、窗開萬疊樓臺、水擊三千、人天意境相開、雲煙自  
是工為幻、笑羣鴉空噪無才、不聞乎神淵飲馬、威重風雷、江山故有  
華夷限、儘九龍氣勢、舞爪難來、金鐵潛鳴、端知疾走銜枚、木花雀美猶  
鄉味、只家山藜藿堪哀、漫興嗟、酒近心遙、呼取傾杯。

揚州漫

秋日游澳門松山一九五四

風約輕陰、天憐倦客、好山還付閒行、嘆潮吞遠岸、教逝水何聲、試東望

雲昏山斷，人秋併老。空宇峯青，甚黏天帆影，蹉跎猶滯歸程。十年幾  
劫，料蒼松又訝飄零。賸筆底幽蛩，吟邊病葉，一往淒清。憔悴千生休問，  
霜紅外冷落堪驚。儘瓊樓如畫，總輸蔓草滋榮。

八歸

十月十一日颶風掩至兀坐危樓孤吟被酒殆難為懷

霜冬釀颶，霾雲厄日。天演事事乖錯，鯨波儘有，拏空勢，終被白鷗輕誚。  
瞬歸蕭索，冷眼千林齊掉首，使耳語，情懷都惡。賸一髮心上青青，萬里  
共遼落。殘客傷春已嬾，傷秋何益，且挽孤樽吟酌。雨驕風橫，請醉輕  
夢，評淺也。自關心梅萼，共危樓俯仰，似水襟情，忘却哀樂。榮枯事，繫人

顏色說與霜花休更託。

念奴嬌

園梅瘁弱可憐

黃昏相見，正孤顰乍掩，殢香無力。慰我蒼涼歸夢遯，信有佳人難得。影瘦憎燈光，寒恨月，病蕊支離白。莫名幽怨，隔花淒斷，隣笛。追念舊日繁華，狂拋萬玉，傾命曾何惜。費盡才情誰則覺，袖裏芳心能繹。一霎虛空，一般粉碎，一慟成今昔。樹猶如此，庾郎偏重爲客。

臨江仙

正月十三日

人似沈園重到候，傷心橋下遲留。短篷風雨又滄洲。蒹葭零露白，楊柳



一生愁。開篋緘殘紅淚在，涓涓長注心頭。卅年幽恨，作情囚，癡心危石暖，目極大江流。

離亭燕 沙田望夫石

聞道錦帆低卸，莫是藁砧歸也。閱盡過帆，渾不是，淚眼漸枯無話。背上小寧馨，悽絕一時同化。誰念亂山孤寡，歷盡無窮冬夏。回首情天，胡

太酷，及早爭如休嫁。碧海總牽情，好好快填平罷。時止加速填海

看花回

丙辰（一九〇六）歲暮與梁耀明楊善琛陳秉昌七埔看桃花

十里桃林起蔚霞，且駐輕車。年年歲暮逢君難，舊斧痕云又新。加由來

稻薄命，真悔為花。  
忽憶玄都，都是舊家。  
夢入龍華，宵分喚醒蘭閨侶。  
水仙芍藥山茶，道場同稽首，求換烏紗。

減蘭

移山填海，屋角林巒，隨意改檻外滄溟。  
看似平時，實不平。時歌靡靡，  
白雪不聞，惟下里。世短時衰，忍聽銷魂側艷詞。

閩省舞餘賦文集卷首講學錄待梓



壬戌一秋

萬里水雲供蘸筆

一空依傍去為詩

心過交在



釋文

萬里水雲供蘸筆  
一空依傍去為詩

作者小傳

黃維瑛字子實一九零一年生於原籍容奇祖居  
國立中山大學社會科學畢業并在專修學院專修  
文學歷任香港官立文商專科學校樹仁學院聖保  
羅男女中學講席及香港大學香港中文大學校外  
進修部學海書樓香港電臺香港孔教學院主講經  
史詩文書法為香港中國筆會會員黃族宗親會顧  
問著有欣園詩文集欣園講學錄待梓

我聞孫卿言為學不可已窮年學莫殫德智須兼  
美稽古盛簡編道藝多所紀羣經著微言百家各殊  
旨悠悠數千年弥綸在諸史學海渺無涯斯言良有以  
吁嗟尔諸生質美若蘭芷多聞博万邦遠志邁蓬矢  
三年云有成我心胡不喜獨念丁時危文巧競譎詭多歧  
悲亡羊橫流甚洪水勸我慎所趨任重期萬里大道本尋  
常行遠當自迓平治先齊修仁自親親始葛藟庶本  
根餅罄累之恥舊學待商量進德安可止毋矜涉獵多  
太倉一粟耳禮云相觀摩孟言病舍己務本益以謙閑  
邪庶有象

畢業諸生索詩賦以勗之

黃維瑁



黃維瑁書法之一

文  
章  
故  
淵  
雅

風  
節  
自  
高  
騫

黃維瑁

黃維瑒書法之二

須菩提於意云何可以身相見如來  
不也世尊不可以身相得見如來  
何以故如來所說身相即非身相佛  
告須菩提凡所有相皆是虛妄

維瑒

黃維瑒書法之三

松柏有本性

山水含清輝

黃維瑒書



高志局四海  
聲名擅八區

若海仁弟篤志學  
書期於遠大師古  
有得早超塵下曾  
以首選獲國家文  
藝獎今屬題冊目錄  
莫友芝集左太冲句  
贈之期加勉也

庚申冬黃維瑁



黃維瑁書法之四

作者小傳

岑滌羣世居葛岸一九零二年生於原籍書香世代畢業大學法科及師範國民第三屆法官考試及格廣東省第二屆縣長考試名列第一及廣東財政廳甄用經徵官正取及格曾任縣長管理局長秘書科長專員會計主任等職中歲移居海隅春風桃李歷任大專教授中學校長著有地方行政與革新議教育底實驗談及青年德性之訓練等書籍

贈我國駐南斐郵總領事筱珍 岑濤羣

敬歷與國間專對早持節樽俎見槃才况是騷  
壇傑治絲冒棼如折衝憑熱血收穫難逆探耕  
耘已力竭我愧無長策空知守故轍四顧多憂  
思一心勵冰雪日月晦復明蘭膏煎益烈斯道  
信不孤老成教慕悅

瀕別贈南斐約堡華僑國定中學校友

斐海僑庠裏磋商認雪鴻茶餘談掌故課罷弄

絲桐簪盍仁相輔驪歌懋正同久要隣若比嘉會盼  
重逢

贈華僑快著餐室

漫誇海錯典山珍鱸膾蓴羹合款賓華胄由来  
精食事不妨笑作著邊人

伊譜邨廚快朵頤杖頭解了換瓊卮勸君莫道紅  
塵事行樂人生貴及時

賀李漢魂將軍八十壽辰

將軍勛業炳寰宇金石聲詩世競傳大耋慶登  
猶矍鑠更憑綵筆識當年事功探本由貞固振  
旅撫民誠布護回味謹言悅我心先憂後樂瞻  
宏度玄黃時會寇南移僑滙靡通氓存飢旌旆  
遙臨為滙報賴施仁術拯孑遺德高福懋殊方耀  
更有鳳毛承色笑泛棹湖間羨范公還期興復

歸吟嘯

(僑滙溝通事詳附註)

群

(群治) 己

(己未)

聯社旅港同人雅集

嚶求回首當年事物換星移五十秋  
劫後重逢嗟鬢白客中修禊覺情稠  
故鄉懷舊晨星真聯社論文國粹留  
剪燭談心緣莫負雙柑斗酒醉南陬  
天如友隸龍辰賦贈

雲雨春來候靈光煥海隅丹青知價重  
摹擬諒勤劬猶憶芳園裏論文旦復晡  
呼噪見頭角冰心在玉壺幾度天涯別  
久要誼不渝而今重剪燭話蓋佩握瑜  
安得步曾隸畫龍壁上逋凌空

瞰萬類尚德報驪珠

遊香港山頂同樂徑亭

一亭山上白雲開，勝蹟登臨亦壯哉。  
漠漠鄉關何處是，憑欄北望幾低徊。

賀李公漢魂壽詩附註：

世界二次大戰期間珠江下游淪陷南海順德等縣民眾僑居印度洋西岸英屬各地者因日軍攻佔香港僑滙橫被沒收內地僑眷飢死甚眾時余方在廣東茂名七區專署服務而廣

東省政府主席李漢魂適於民國三十一年出巡南路余乃邀請  
順德同鄉一五五師師長鄭軍凱第七區防空指揮官陳樞  
三人联名由余擬訂溝通僑匯具體辦法以快郵代電面陳  
當蒙主席接納迅予轉呈中央洽商英廷承允照案實施  
訓令上述英屬地區主管官會同我國使領通知華僑准代  
匯至重慶轉匯廣東各地省銀行接濟華僑家屬翌年李  
主席再巡南路又值德軍戰敗英軍收復印度洋法屬馬達  
加斯加島雷地華僑通匯辦法余等再陳前議後蒙洽准通濟



作者小傳

陳荆鴻號蘊廬世居龍山一九零三年生於原籍詩文  
書畫夙負時譽歷任粵港報社編輯總編輯社長  
大專院校教授系主任及學術機構特約講師著有  
蘊廬詩草蘊廬文章蘊廬詩餘獨漉堂詩箋釋詩  
學論叢等一九八二年在香港大會堂舉行六十年回  
顧展耆年碩德開文壇之盛事耀金夏玉播鳳嶺之  
流風

陳荆鴻 溫盧詩草

題家先賢巖野公遺象

一代興亡勢已成，獨從頽表挺孤貞。  
高明城外山如舊，甘竹灘前水未平。  
臥義書生真不朽，褒忠國典似猶輕。  
悠悠三百年間事，瞻拜遺容感慨并。

溫師菊叟命題其畫菊曩在大榕寺畫會時作

逸情猶共墨痕濃，人月堂前碧藪封。  
書畫自闡千古事，獨從晚節惜秋容。

重修獨漈先生墓

覆巢完卵信非常  
透墓千秋近屈梁  
用世豈徒為孝子  
流芳已不在文章  
天涯又見干戈急  
坏土重同日月光  
我抱蒼涼懷古意  
籬花一束薦寒香

金陵贈羅敷庵

喜有鄉親誼  
同為客裏人  
揮毫真矯矯  
閱世總恂恂  
文酒寬今夕  
江湖老此身  
歲寒歸去晚  
空憶鳳城春

重晤黃晦聞燕京

尚想禺山共話時  
廣文退食自委蛇  
幾年世事真如夢  
此日幽栖合有詩  
夜雪一燈相對坐  
嶺雲千里不勝思  
明朝我又闕陞去  
料得重來柳已絲

癸未五月自香港潛行歸國喜晤黎暢九

日：層羅慘不聞  
海隅愁絕望鄉臺  
生還未厭千山  
度重見真如隔世  
來公瑾相知猶總  
角南成老去只沈  
哀幾年天地無窮  
事且淪江樓茗一  
杯

開建客中与潘小磐話舊

海山咫尺隔樓居，偶有清吟但寄書。  
不意流離千里外，却酬歡笑五年餘。  
悠悠世變存交少，漠漠詩心向老虛。  
癡絕危城方報賊，煮茶猶共話軒渠。

香江贈伍憲子

閒來抱膝事長吟，攬轡澄清尚此心。  
天下興亡應有責，丈夫富貴豈能淫。  
半生滄海經行徧，一角雲山隱遁深。  
風雨高樓文酒會，相逢端不改鄉音。

黃偉伯卜生壙荃灣賦詩屬和次韻一律

去住榮枯任所宜老來合有買山思且將梅種孤亭上待  
看壽添滿屋時荷鋤伯倫無礙醉呼朋表聖不忘詩  
掀髯笑指屯門水畱與千秋達者知

暑退頗思郊游寄岑伯矩師尚山堂

涼飈滌煩暑曉黛明千鬟頗思出郭游腰脚仍能頑  
去々將何之故人居淺灣矮屋兩三家竹林蔭其間經  
歲不相見鬢鬢毛俱有斑願言一揮觴遣此浮生閒

次和張谷籬六十自況且以為壽

峇中還得幾鄉親  
雪鬢相看日、新天地有情容  
嘯傲丹青隨分見  
精神藥房合繼淵源學  
竹本何慙隴畝民  
海屋又逢周甲始  
正宜酬唱醉芳春

星洲晤歐陽澈微

落落神交竟十年  
海隅時復得吟箋  
豈期暮齒投荒日  
及見今身識面緣  
已分深杯甘俯首  
猶堪小閣共談玄  
鳳山雲塔知何似  
坐對青燈一惘然

吉隆坡留別同鄉諸君子

半生行跡自優游草木山川一覽收對鏡始驚人老  
大讀書那計日劉柔空桑偶尔成三宿窮海懸知有  
九州頌憶蘇髯夙趣好倚裝端為和詩留

次韻酬周益伯越南

村居疇昔似朱陳皓首逢君世又新裘馬五陵同學  
少笠車千里故情真銜杯漫說聞天事避地遑論漢晉  
人有日乘風賦歸去林泉魚鳥許相親

題馮漸遠選集為影仙世媛屬



結社題襟鬢未絲廿年朋舊半成噫今看鏤玉雕瓊句  
尚想催詩擊鉢時子敬已無琴響在羲娥猶有父書  
昭吾鄉自古多文秀雲塔憑將一卷支

梁鍤齋約過梅窩別業

大奚山下足徘徊浩々滄波萬頃開疏雨漸隨雲岫過  
好風遙送晚晴來幾回難黍虛詩約一角園林隱石  
臺頗憶向時游眺處依稀已變淺蓬萊

何竹平來詩問疾賦此答之

客中時共暢吟懷，猶是鄉親何不偕。  
笑我病餘才思減，拈腸惟任藥安排。

何叔惠伉儷書畫展覽賦句贈之

未忘先世夙相孚，獨漉堂同不去盧。  
今日海隅閒結社，唱酬可似故鄉無。

詩賦共稱何水部，丹青況有管夫人。  
一門儒雅承家學，卷軸堂之意態新。

題曇花卷為潘潔夫

抗懷天地總漫漫，斗酒臨風夜正寒。  
未許好花終一現，要留不朽與人看。

題黃晦聞贈馬武仲詩葉

觴詠當年興未忘，蕪葭樓與晚間堂。  
披箋頗憶蘇髯白，秀出羊城翰墨場。

題獨漉先生十放詩長卷

好生原不易，止殺更何時。  
悄對孤燈坐，同觀十放詩。  
才真過屈宋，地已雜華夷。  
豈敢忘家祭，時艱畏薦辭。

陳荆鴻 蒞廬詞草

太常引

嶺頭幾度見南枝。吳楚恣探奇。都在少年時。一壺酒，  
花間賦詩。孤山疏影，羅浮舊夢，莫更惹游思。謝屐  
久相辭。笑海客斑斑鬢負絲。

河傳

前路微步。晚風輕。寒食飛花滿城。玉壺買春還獨  
傾。銷凝酒邊無限情。望斷浮雲天際外。人不在。

丘隴青々改。杜鵑啼。歸未歸。水西。柳腰應十圍。

醉花陰 本意

依舊花開籬落處。依舊他鄉住。見說又重陽，便醉  
深杯，只惹閒愁緒。西風吹散南山雨。不散浮雲去。三  
徑久荒蕪，歸夢年年，夢也無憑據。

謝池春 觀海

浩々滄溟。日月東西吞吐。挾狂瀾。淘今盪古。風流人  
物。儘難蟲朝暮。甚功名也。歸塵土。桑田縱改。幸有

一身藏處笑鳴蛙。拘虛自詡。蓬瀛信渺。念仙鄉難  
住。且招携。鶴傳鷗侶。

減蘭 海灣茗坐

浪飛銀蕊。嬉水間鷗。沙際睡。山壓低雲。極目香車  
送夕曛。臨流軒牖。茗盃冰壺都似舊。塵夢依稀。  
不是當年笑語時。

一翦梅 九龍山額間盛產異種杜鵑枝幹槎枒叢花不葉

主人稱之為石梅豈宋臺官富綿。此恨春盡花魂猶戀石耶。

天水茫茫接杳冥。望斷零丁。淒絕冬青。二王村外舊岡陵。  
啼徹鶉聲。落盡梅英。帝子心魂若有情。隐约鸞鈴。擲  
燭雲屏。可憐春夢喚難醒。如此泣城。幾換陰晴。

看花回 除夕游公園花市

燈火泣城玉漏長。車蓋相望。看花非復元宵事，趁今宵，  
且賣癡狂。小樓臨樂園，休負羣芳。洛水神仙翠羽裳。  
顧影生香。春風人面年年，在只紅妝，不管人忙。笑韶華  
老我，清興猶常。

拾翠軒  
雙健  
陳荆鴻作  
人周益伯



雙健

荊鴻寫





作者小傳

周益伯龍山人一九零三年生於原籍蘇埠歷任國  
內外多間學府教席垂五十二年皓首始自越裳歸  
隱香海著有拾翠軒藝文集及詩鐘叢輯詩鐘分詠  
著華藏山閣詩鐘駢錦珍存選集均已編著完成正  
待付梓

拾翠軒詩草

猶龍山人周益伯

曉行口占

四顧無行客。惟聞雞犬聲。舉頭月還在。  
疑是未天明。

題陳顯庵先生讀嶺南詩絕句

嶺南人讀嶺南詩。風雅前賢想見之。悄向黃  
梅深一拜。著書白士去未多時。

尋梅

偶騎驢背訪仙鄉。踏雪孤山路正長。卻信此時  
詩思好。前身疑是孟襄陽。

題謝女士天風詩集 二首錄一

絕代才華絕代姿。天風鳴處有新詞。怪他一  
樣嬌嬈女。不愛胭脂只愛詩。

宋王吉臺懷古

趙家寸土已無存。片石空留綴小園。不盡龍  
城嗚咽水。落花啼鳥賸微痕。

春登浴翠山次越南人陳子敏韻

山邱原是舊樓臺。陵谷渾疑剗後來。野鳥只聞  
鶻欲泣。巖花惟有菊殘開。鄉心處處悲禾黍。城角  
依依傍草苔。指點藩封前日事。漫將斯地比蓬萊。

荆鴻南遊蒞越喜賦

四十年前迹已陳。同窗瑣瑣憶猶新。醇醪公瑾難  
為醉。豪氣元龍自真。冀北一羣空駿馬。嶺南  
終古出詩人。鰲峰坐對知何日。風雨堤城且共親。

自遣 七十生朝作

七十人生世豈稀。硯田未許輟耕時。碧石荷已老猶擎  
蓋。黃菊初殘止肯卧枝。指點晚晴同愛惜。商量佳  
日事遊嬉。買竿曾到梅邨去。半釣銀鱗半釣詩。

別越

南飛倦鳥已知還。搔首蒼茫髮盡斑。卅九年間  
違國土。三千里外念家山。好花告我春消息。明  
月憐人夜等閒。別却椰蕉香海去。待時重泛荔枝灣。

作者小傳

何式南世居高村一九零四年生於穗垣受業私塾  
及國民專修學校亦儒亦佛曾以巨金布施香港佛  
教聯合會興學樹人

帚珍軒未是稿

何式南

壽母

吹棘秋風母壽高也同諸弟感劬勞愛憐孫輩  
提携切聞畜雞雛飼養操衣綵期如菜老戲稱  
觴愧遜子愚豪心香虔祝期頤日更獻瑤池千  
歲桃

谷瑞珍長女自題初中畢業紀念冊詞

女兒題句見情真  
敝帚文章亦自珍  
笑我才疏無別

話莫如道蘊日常新

送余季皋先生榮調星加坡

劍橋早歲已成名清比滄浪可濯纓有守有爲  
知草勁亦師亦友素葵傾斷金攻玉資為鏡星  
島香江倚若城此去兩年多建樹私心尤祝育長庚

讀郭教授詩賦呈

焚香剪燭誦新章唾玉才華盪俗腸最幸豚兒容立雪  
自知鳩拙怯詞場慚同餘子頻登壘時仰高人數仞



獮尤愛普靈洞中白肯參同契不尋常

答謝扶雅教授賜詩

立懦明愚理自真虛懷若谷納輕塵蒼生多少沾  
霖雨尤沐師尊教化春

揚道推恩仰聖嬰山旁馬廐自天生靈光感召垂  
千古普救人倫沐澤宏

步陳君韻送別盧通溥君定居雪梨

近來情味向詩篇捧誦驪歌倍黯然挈手友高瞻

隨破浪世兄猛着佔機先師尊滿座皆詩伯老拙無  
貂續尾箋此別江干珍重祝他朝得意整歸鞭

美加遊草

大瀑布

隔江飛瀑濕征衣震谷轟轟轉崖萬馬馳漫說悠  
潮留艷跡怪他潭底漾漣漪

賭城

集餉籌邊賭禁開其中功罪費疑猜一盤勝負千

家哭羸得天空導彈來

青松觀

青松觀內萃英才  
渾似生花妙筆開  
知是師尊勤獎植  
蓬山指點筍輿擡

祝餘菴老師生朝

大地春回瑞氣祥  
上元鐙照玉書囊  
崧高嶽降連年慶  
嶺表儒旌闔邑光  
桃李成蹊多俊秀  
桂蘭茁茁競騰芳  
欣陪末座同祝嘏  
正喜

中天日月長

隨觀光團遊北投看艷演

應是聯情意所之觀光覽勝探新奇筵前美女驚  
香艷闕下英雄考節持裸程未污清勁守糟糠  
常繫夢魂思粧臺老伴稱臣久任笑愚頑不  
合時

步何國華老師贈其女棣羅妙馨學長原韻

豐容盛鬢異庸妝賦律填詞兩擅長林下素來

饒雅度女中咸得仰書香從師有幸一堂共訓  
子成材闔第光似此勤勞曾不舍竿頭百尺未  
能量

為小兒德心受室喜而感賦

年登耄耋作新翁不用裝癡已瞶聾舐犢有慚  
疏誘掖乘龍差得慰私衷幸憑祖澤傳枝葉期  
振家聲步孟鴻今後含飴怡兩老馨香頂禮謝蒼  
穹

敬謝親友厚禮並賜鴻文墨寶

親朋摯愛華門光降貴紆尊蒞海洋厚貺如陵  
慚薄報隆情若海感中腸心聲唾玉篇<sub>二</sub>麗手  
筆薰蘭字<sub>二</sub>香留得溫柔詩教在定教夾葉  
不能忘

回臺南下有感

人從百地滙同車與語僑情共歎嗟親及同胞  
諸父老堯天舜日望非賒

鄉邨景物最依偎  
雜樹茅寮畫一堆  
若使有情詩伯在  
小橋流水足徘徊

遊澳吟草

觀音堂看連理樹

相依連理半千年  
姤煞人間不羨仙  
忽憶蟾宮丹桂樹  
吳剛剪伐有誰憐

閩閩

犬牙交錯說籌邊  
猶幸烽臺未見烟  
俯仰江山

多感慨金甌何日缺能填

奉讀竹平宗台壽印順德菴文集小引感賦

斷碣遺臺感宋王古今一例是投竿身微難管  
千年事詩癖惟餘兩鬢霜何處仙源尋樂  
土本來文物盛吾鄉錦山春契羣賢會愧未  
追陪共詠觴



作者小傳

伍宜孫世居古朗一九零五年生於濠江齒齷從簡  
氏伯幹受業為廣東大儒簡竹居鄉先賢再傳弟子  
既承家學復有道懋遷儼孔門端木之傳也歷任香  
港金銀業貿易場秘書仁板銀號要職永隆銀行創  
辦人兼董事長公餘雅愛盆景藝術著有中國第一  
本中英文對照文農盆景集行世曾應邀為香港大  
學校外課程演講有關中國盆景藝術宣揚國粹

壬戌甯頭月夜懷 夏威夷 陳紹甲 二首

此日 七絕二首

伍宜孫

(一) 月到甯頭份外明 何時把盞酒頻傾

時逢佳節思良友 千里婵娟共此情

(二) 皓月甯頭似水清 廿年同事寸心傾  
但教不負來春約 一挽天河洗俗情

來示曾云待年底辦妥入籍手續後明春返港一行

次韻奉和何斗燦醫生

伍宜孫

羨君白首傲煙霞  
松竹巖前隱者家  
每切葭思常入夢  
幾時醉月共評花

李耀卿學長邀集昔年同窓宴叙

伍宜孫

此日同窓宴  
騰歡共舉杯  
主人情誼重  
集雅幸叨陪

原韻奉和溫高華雷基磐詞長五律二首

伍宜孫

(一) 久違思倍切 雀躍接詩筒 蟄伏應嗤豕

鵬飛向羨公 雕蟲承過譽 獻曝表微衷

來歲金禧慶 恭迎蒞永隆

(二) 名利如韁鎖 從來最誤人 無寧甘澹薄

返樸自歸真 種竹崇高節 栽花足養神

優遊林石下 還我自由身

次韻戲和余立維 伍宜孫

末俗人情向渺茫  
菜根有味亦徜徉  
惜君未設羣英宴  
使豕雞登大雅堂  
何事名花不解語  
幾回展卷費周章  
引商刻羽難為和  
對酒高歌豈是狂

益景七友原定每月輪流宴於其家研究益景藝術  
余君因事延阻遲：未有履行並以七律一首見贈戲步

次韻和之

一九八二年歲次壬戌順德古朗鄉

伍若瑜紀念中學建校落成開課賦此以勉諸生

伍宜孫

平地覆一簣 為山從此起 登高必自卑

行遠必自邇 行行重行行 千里亦云易

汝曹方讀書 讀書也如是 少壯不努力

老大徒傷悲 修業須勤奮 進德應及時

前程期遠大 發軔肇初基

前賀樊碧西學長八秩開一壽慶

伍宜孫

嶺梅花放一枝春 日麗欣逢覽揆辰  
萬里重洋曾跋涉 卅年遠地倦風塵  
喬松比壽同偕老 眷屬如仙相敬親  
七秩韶華今遞晉 添籌海屋祝斯人

賀黎卓華學長賢伉儷七秩壽慶調寄滿庭芳

伍宜孫

梁孟風流，齊眉舉案，羣羨世上神仙。同心偕  
老，相敬古稀年。好靜濠江息影，塵世事、幾  
度滄田。春三月，欣逢壽慶，好進南山篇。  
拳術久欽，年華如昔，矍鑠依然。羨君身  
常健，如日中天。喜見蘭桂盈砌，承歡笑、綵舞  
尊前。祝兩老，壽添海屋，福壽比彭錢。





蓋履了已秋著之玉中國今猶未啟

頤陽澄

曾踐中華土歸來越二年久經同草跡未許納瓜田人屬  
更新服吾猶擁胡適笑他徧徇物劑足款求全

驚執

終究喜雷執已驚四部露已編應聲鳴自然天道滋生象却謂  
人工造化成市近惜聞淡蒲安嶸樓或可將神清豈容濁世新寒  
深迤醉怪甚託酒兵

眼下

當眼眼下視者金最爾何難拍掌尋車轍縱橫交似織機臺  
浮峙蔚成林又明啗某處存親士庶酣嬉失用心急雀安事  
忘故山望晚晴日暖亭亭高

苦熱

彈丸小景火雲堆海象東西玄網來橫面漲蒼迷向背炙膏  
須若曠風雷陰陽失交子短喘登涉長勞馬耳墜吻燥舌  
瘡焉解溜野無林蔽相里梅

九日

已見蕭條四海秋有人垂之當般遊梅時自起登高感通災趨  
承序恆逐物求豈暇暇前思汝計誰於天下作是區區料為  
酒清頭暈雲彰澤光盡日悠

鸚鵡天

佩之金風玉露初渡河牛女說憑虛人工詭乞天巧形彼蓮葉  
物後偶 時此易與前殊涼園子復女兒拘狂歌男舞爭  
相逐穀板花果近已無

蝶戀花 中秋

秋月香風閑裏度  
夕中秋忽下黃昏雨  
過月滋雲半吐  
團圓未許  
秋金露  
光彩漸後  
穿綠戶  
烏山酌  
有棠冷  
落中庭  
枝的  
酒自饒  
真賞趣  
息顏猶有  
掃蟾顧

生查子 集法華經偈為烏來夏西堂社永樂堂成

善哉釋迦文正法  
住於此種佛道  
因緣脩習佛智慧  
以  
園林莊嚴  
敷演甚深義  
福照於十方  
我等皆隨喜

生查子 集法華經偈為烏來夏西堂社永樂堂成  
善哉釋迦文正法住於此種佛道因緣脩習佛智慧以  
園林莊嚴敷演甚深義福照於十方我等皆隨喜

作者小傳

陳泰階大良人一九零六年生於原籍北鄉錦巖之  
祖居順德中學畢業繼從鄉先輩羅澹菴先生游既  
而亦儒亦賈移居海隅後更廣結文緣與南海潘蛻  
菴陳伯祺梁其政潘新安番禺潘碧泉黃子成同邑  
梁耀明潘小磐何竹平號稱錦山十老

重訪銀鑛灣梅林

陳泰階

小石嶙峋一徑偏  
海濱遙召此癯仙  
空生明月疎林外  
香化浮嵐渺水邊

今去尋幽應盡日  
累年可夢又經年  
猶憶舊向僧窗見  
檢却法華空破禪

与潘小艇陈素昌诸子善行西貢至与溪沙

括字  
魚字

河梁与客羨游魚  
村路芭蕉好學書  
雨濕溪流金未足  
霜嚴木葉半成疎  
深山穩拙

於蟬沙雪廬加景尚多餘已通春風  
郭天孫人言不用枉吹噓

五日置富山居何來

滿室花影日修之半架叢書未許休山  
麓風多長似雨海濱煙濛總如秋交游  
界更備梅定草硯架時便倚梅州栽  
南陽在亦樂此身適合老林邱

桂林瀕江甲寅



日出船橫灣後灣  
青螺黛色石水空  
采石莫不憚  
舟子望爲報  
灘江箇箇山

杭州蘇隄甲寅

紅日金波泛早潮  
鶯聲引步夕  
爲存  
逸興條未老  
猿綠已盈蘇隄  
爲六橋

孤山

青浮水面一山孤  
怪石癭梅似老逋  
放鶴亭邊舒遠眺  
晴陰總是畫西湖

吳山

策馬揚鞭民氣同  
樓臺高處半空封  
踏絳三日西湖路  
更上吳山第一峰

北京故宮

紫宸堂碧壓樓臺  
寶鼎珠犀鶴詠鳴  
月昂首金門三萬尺  
老友登踏玉階來

鄭州黃河橋丙辰

迎會春雷鐵軸車  
虹梁南北走長蛇  
曉鏡

寬一望黃河水不見帆見浪花

再對北宋龍亭

大聖子原古汴梁南遷北徙割唐皇就  
亭極目今何呂湖界東西柳南乃

安陽

三國曹操冀鄴都

坤田流水未嘗枯幾遠世人說鄴都  
豈獨空階吊三祖蒼鷹蹴宮下平蕪

三門峽

漲出崑崙爲雪外流滔々黃濁撼西州翻  
沙走浪三門峻臨倒窳閭何更求

西安鐘鼓樓

樓在鐘鼓正堂聲々舊業陰々血滿城  
不到秦州風雪地白頭狂歌負子生

灞橋

帽影車聲古灞橋昔人到此安魂銷  
湯勞客道東歸路老柳疎々未曳條

秦皇墓

枉道羸臺併九物  
空湯帝業報千秋  
可憐人子却如此  
集字斜陽冷一丘

驪山

驪山西首坐咸陽  
市巷黃沙客路長  
蜂蟻銷餘字  
埃微斜暉冉  
以牛羊

武昌早發九江

戊午

三宿炎蕪別武昌  
一帆千里又淞陽  
臨

風狂問長江水為甚竟秋特地涼

廬山

追涼六月峭崖台  
胸膈滄海老更頑  
蒼苔遠活空庭日  
剗下風吹破牖廬山

成都名芙蓉城 戊午

而新年空抵一望  
殊芙蓉城上數  
窮  
霞色吹心彩  
花何定錦江  
龍溪  
龍溪

杜甫子草

古義就紆由亦魚百口龍潭上好詩王清  
風明月依然在控檣毒之一子聖

魚腹浦在四川奉節縣江邊舊陣圖定

車節江湄魚腹浦陣收兵檄祇餘山寫  
吳儂送皎龍鬪水自修之而之自可

巫峽

瞿塘迴壁六巫山峽東奔流千百變神  
女峰頭生座面陽產終古自楚自

漢口東湖

山色湖光第一奇  
柳隄松島憑欄宜  
大江流夏都題遍  
祇欠東湖一首詩

東湖居原行吟閣

天涯互地著  
吟想見孤忠  
一性心香  
於湘江投筆  
去蒼茫  
正理窮  
隔橫林

漢口歸元禪寺遇雨

不嫌苔滑  
後山門  
揮一徑  
空徑祇佛  
存迹  
地小留堪  
記取  
一庭  
花雨  
濕鬢  
香



作者小傳

梁簡能倫敦人一九零七年生精研國學誨人不倦現  
任嶺南書院華僑書院教席著有楚辭九歌注箋楚  
辭天問注箋漢魏六朝詩論宋詩研究及簡齋詩草時  
吟飲于沙田謝壚乃與南海關少石潘小山番禺謝季  
哲寶安李鴻烈台山劉紹進同邑周宗漢稱隔田七子

微雨送歸舟圖為張丹女士題

倫敦梁簡能



故鄉自有好山水十年別久今何似  
夢中時時一見之髮髻  
鬢蒼唐怨非是鄉愁結恨日日深  
羅讀沈吟憶桑梓  
某水某山曾釣游胸中意象徒尔尔  
項有同鄉張女士  
丹青能事逾男子曾作微雨歸舟圖  
黍離痛<sub>深</sub>盡滿紙  
此作於年維庚辰屈指於今二十祀  
當時胡騎正馮陵舉  
國元元半生死新愁舊<sub>恨</sub>鬱在心生  
民冤苦古無比此際披  
圖帶淚看一水一山若身履似此靈  
秀真吾鄉造化豈唯

丹青美不知何日同歸去  
今讀斯圖慰情耳

敬題馮漸達先生詩集

吾師平生好吟詠  
高韻雄音作鐘磬  
擬諸古人如子瞻  
天馬行空謝車乘  
海隅亂後開蓮社海  
風相悅與其勝  
一別悠悠三十秋  
相見猶能記名姓  
回憶吾方幼學年  
執經門下曾虛聽  
只惜為時不及旬  
春風一噓桃李徑  
豈意中年重承教  
社中屢得推敲正  
自言作詩毋苦吟  
待教習中先貯興  
下顧摧肝雕腎徒  
甘作詩囚賊靈性  
先生得句本容易  
故不自珍隨

手贈散落人間聚恐難當時曾以刊集請此語迄今垂廿  
年先生往矣事竟然今秋忽聞付鈔板初聞竊隨竊慶中郎  
有女久尋求且復苦辛自讎定門生故舊多翹待一卷先時  
知相競聚散由來何杳茫篇章自古分雅鄭

李研山盜陳巖野先生墓圖為何蒙夫題

何子手一卷要我題待句開卷心儼然復見巖野墓盜是  
研山筆地是珠璣渡研老從變流故山正心慕懷昔少壯  
日披過錦巖路重是貞烈魂徘徊留任惟公一書生國

難臨危赴足羞食<sup>肉</sup>考亦自光竹素玄國二十年殊方此留寓  
妻子日相守廬墓久不顧念此凋心肝每令廢寢寤日月既  
云邁家山莫能度斯國得披對感甚淚以注休焉何足  
論但須生不誤天地有正氣此墓應表獲吾言始寄淮北  
風吹枯樹

讀桃花源記懷古傷今歌以詠歎

桃花萬樹武陵春猶有漁夫訪避秦七聖皆迷寧失道  
八方空墨孰知津淫哇浩々同鴉鵲正學沈々似鳳麟

放眼古今餘一喟  
閉心窮海養吾真

浮海夜游偕區榮耀霍保剛

炎氣偏陵素節威  
乘桴尼父託情微  
萬鏡圍海龍猶睡  
一月臨秋鶴自飛  
天下滔滔吾亦老  
人間種種孰知非  
胸中水鏡真才識  
二子應聞士所希

秋懷

北雁飛不到南山  
容久留荷殘猶表  
夏樹老更宜秋  
不綴桑榆照其如  
日月流誰知心力  
弱未死但無休

玄國

玄國不知老藏身唯守虛疊牀去隙地層架有餘書  
尺蠖甘長屈潛龍觀九初閉心猶未已且復閉門居  
題陳汀蘭畫山水

東戶讀書西戶眠兩般情趣總如仙此間只愛高人住  
許記休來問舍田

一去西風首不回鞭塵到夏稻花開黃雲豈  
里孤飛雁為世難羣隻影來

